

東復社

林社事

始記始

末事末



社
事
始
末

杜佐周

中
華
書
局

叢書集成初編

東林始末（及其他兩種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：ISBN7—101—00894—1/K·367

社
事
始
末

此 據 藝 海 珠 塵 本
排 印 初 編 各 叢 書
僅 有 此 本

社事始末

杜登春字九高，號讀水，江蘇華亭人。順治間入青浦學。壬辰拔貢，由翰林院孔目授山西廣昌縣知縣。終浙江處州府同知。

余於辛未之秋九月之晦，身羈衆邑，眇見寡閒，間接邸抄，得悉朝政感同心之日散，憂繼起之無徒，追憶有生以來父事兄事，其間正人君子，聲教文章，凡六七十年中盛衰興廢之始末，釐然如在心目，不禁嘆社事之有關於世道人心，非細故也。夫社何昉乎？考之禮，勾龍爲后土，能平九州，故祀以爲社。又王以下皆立社，大夫以下成羣立社，曰置社。注：大夫以下包士庶成羣聚居，滿百家得立社，爲衆特置。宋雜記載弓箭社，諸閭帥都行之。王楨農書載鉏社，合千家治田，有不任田者，衆力助成之。此推本助徹之意，行於鄉族者也。其見於他書者，樂布厚報有德，燕齊間爲社，號饒公社。董京逍遙吟咏，宿白社中，白居易與香山九老結香山社，遠公與十八賢同修淨土，號白蓮社。文潞公與富鄭公集洛中士大夫爲耆英社，大抵合氣類之相同，資衆力之協助，主于成羣聚會而爲名者也。此下原引蓮樓詩公郡中才子竹林，關學竹溪之會一段，今節去。明季諸公，本是以立文章之幟，建聲教之壇，其亦取諸治田者之通力合作，守望相助已爾。取諸香山耆英之不論貴賤，不拘等夷，同事於筆墨討論之間已爾。吁，無怪乎門外漢之目爲朋黨，多端中之無已時也。昔漢昭帝時，兗州刺史洪賁禁民私自立社，蓋慮夫成羣聚會，民之易於爲非也。諸君子方自以爲得取友會文之樂，而不知天下之爲洪賁者不既多乎？蓋社之始，始於一鄉，繼而一國，繼而暨於天下，各立一名，以自標榜，或數千人，或數百人，或謀材藝於一堂，或徵詩文於千里，齊年者砥節礪行，後起者觀型取法，一卷之

書家弦戶誦一師之學燈續薪傳擔簦訪友負笈從游所見無非正人所聞無非大道洵足美也及其流弊賢者藉以拔茅連茹不肖者因以阿私伐異同類者資以講學考業異己者指以結黨招權在朝幾蹈桓靈黨錮之禍在野又多洛蜀異同之說說者謂明朝國運奪於黨人社局未必非中緊之論蓋以君子小人之雜出同朝各爲己私各爭己是而置國是於度外也本朝定鼎則不然小人之種類已無子遺立朝盡皆君子以佐我堯舜之君於上即分門別戶互有宗師而琢磨道德扶植綱常人人無不自命爲正人君子者原其自諸公皆從社中來理學氣節與聲教文章固同源而其貫者也慨自熹宗之朝閹人焰熾君子道消朝列諸賢悉罹慘酷老成故舊放棄人間時有錫山馬素修先生生世奇者新舉孝廉有心世道痛東林舊學久閉講堂奮志選文寄是非邪正於澹寧居一集是時婁東張天如先生溥金沙周介生先生鍾並以明經貢入國學而先君子登辛酉賢書夏彝仲先生允彝亦以戊午鄉薦偕遊燕市獲縮閣交日擊醜類猖狂正緒衰息慨然結納計立壇坫於是先君子與都門王敬哉先生崇簡倡燕臺十子之盟稍稍至二十餘人□□米吉士先生壽都閩中陳昌箕先生肇曾吳門楊繼斗先生廷樞徐勿齋先生汧江右絕交止先生萬藻艾千子先生南英章大力先生世純朱子遜先生健朱子美先生微婁東張受先先生采即天如之弟吾松宋尚木先生存楠後改名徵璧者皆與焉是時朝中擊璫諸君子斬刈已無噍類諸先生以孝廉明經聯結草間在朝者惟有庶常黃石齋先生道周鄭李陽先生鄧項水心先生煜晨星兩三人深相獎許時一過從余時末生先君子燕臺社友姓名不能悉得得敬哉尚木兩先生所述

未備也。丁戌之際，楊維斗以太學生上言魏忠賢配享文廟一事，幾墮不測。戊辰會試，惟受先、勿齋兩先生得雋。先君子僅中副車，與諸下第南還，和訂分任社事。昌明涇陽之學，振起東林之緒，以上副崇禎帝崇文重道去邪崇正之至意。於是天如、介生有復社闕表之刻，復者，與復絕學之意也。先君子與彝仲有幾社六子會義之刻，幾者，絕學有再興之幾，而得知幾其神之義也。兩社對峙，皆起於己巳之歲。余以是年生，生之時作湯餅，兩郡畢賀，社事之有大會，自賀余生始也。婁東、金沙兩公之意，主於廣大，欲我之聲教不訖於四裔不止。先君子與會稽先生之意，主於簡嚴，惟恐漢宋禍苗以我身親之，故不欲並稱復社，自立一名，盡取友會文之實事，幾字之義，於是寓焉。國表初刻已盡合海內名流，其書盛行，即戊辰房稿莫之與媲。幾社會義，則止於六子，塵封坊間，未能大顯。至庚午榜發，臥子、燕又兩先生並雋，而江右、福建、湖廣三省賈人以重資請翻刻矣。六子者何？先君子與彝仲兩孝廉主其事，其四人則周勒卣先生立勳、徐闇公先生孚遠、彭燕又先生賓、陳臥子先生子龍是也。周徐古今業固吾松首推，又利小試，試輒高等，特不甚留心聲氣。先君子與彝仲謀曰：我兩人老困公車，不得一二時髦新采共爲薰陶，恐舉業無動人處。遂敦請文會，情誼感孚，親若兄弟。時先王父延燕又先生於家塾，授我諸叔古學，頗才穎，凡得五人，同事筆硯，甚相得也。臥子先生甫弱冠，聞是舉也，奮然來歸，諸君子以年少訝之，乃其才學則已精通經史，落筆驚人，遂成六子之數。先是，吾松文會有曇花五子，先王父與張桐初先生龍、李素我先生凌雲、莫涵甫先生天洪暨我伯祖十遠公諱林者同硯席，齊名一時，爲松人所矜式。涵甫子寅庠先生儼舉與先君

子有小墨花之約。陳無聲先生所聞。卽臥子之父。唐尹季先生允諸。章少章先生聞。吳澹人先生楨。朱宗遠先生灝。唐名必先生昌世。唐我修先生昌齡。俞彥直先生竑。焦彥宏先生維藩。王默公先生元一。皆出侗初宗伯之門。並以課業稱祭酒。莫於丙辰同先王父登進士第。宗遠、少章、默公皆不遇。餘亦以次俱薦。無聲嘗延默公爲臥子師。臥子於先君子爲子姪行。年二十餘已奮登。登城曾於七錄齋中與艾千子肆論。朱王異同。以手批千子類。其才氣鋒利如此。然幾社六子。自三六九會藝詩酒倡酬之外。一切境外交遊。澹若忘者。至於朝政得失。門戶是非。謂非草茅書生所當與聞。而以中原壇坫悉付之婁東。金沙兩君子。吾輩儉聞。息影於東海一隅。讀書講義。圖尺寸進取已爾。而婁東、金沙之聲教日盛一日。幾於門左千人。門右千人。爲同心者所憂。異己者所嫉矣。婁東第辛未進士。授館職。以選政委之金沙。金沙名山業一選。膾炙人口。衣被天下。有兩兄。一雋於甲戌。名鏞。字仲駁。一雋於丁丑。名銓。字儲臣。金沙至己卯始得舉於鄉。屢上公車不第。數年之內。金沙專司選政。借以浮沉於聲應氣求之間。而社局一委之婁東。自辛未至辛巳。婁東之局。幾比尼山。舉天下文武將吏及朝列士夫。雍庠子弟。稱門下士從之遊者。幾萬餘人。其姓名俱載金鑑。人會弔門籍。余入贅時得閱之。亦一大觀也。四方會弔畢。退而大集於虎邱。爲復社最盛事。時婁東同年周公之夔者。心竊非之。又以國表二集選渠文一首。評無褒美。遂奮身作難於考選臺中。後具疏特糾以張、王、趙、蔡四友爲四配。以門人吳偉業等七人及其兩兄一弟爲十哲。以復社爲欲傾覆宗社。以天如爲名號。比天時。婁東方以庶常憂居。得奉自行回奏之旨。思宗之愛文才。消黨禍。用意良深。

誠爲末沿所希遇。考四配一爲趙我完先生自新。余及見之。其他不及見。并失其名字。聞皆古朴宿儒。與西銘講德論道老友也。十哲者何。吳駿公先生偉業。孫浣心先生以敬。許堯文先生煥。穆苑先生雲桂。周止叔先生肇。吳純祐先生國杰。金道賓先生達盛。暨其兄來宗先生源。禹疏先生藩。弟無近先生王治也。婁東又有楊顯之學。不與社事。而與西銘稱把臂交。顧爲麟士先生夢麟。楊爲子常先生彝。皆閉戶讀書君子也。吳魯岡先生國孝。吳志衍先生繼善。俱以宦遊不與黨人之列。張受先先生初與西銘同事七錄。然不與選政。不講社局。又以出宰江右。雖疏指有名。不復以黨魁目之。幸矣。論者謂烏程當國。周推官承其意指而發爲大難。貝錦含沙。究不足以逞其射毒。一語自白。歸於冰消。然西銘之心。已隱然大傷。慮夫禍患將及。無可解免。雖門弟子日進。而局中之會盟。寢以少息。維時楊維斗先生設帳於滄浪亭內。爲其子焯擇友會文。於是錢子鍊百饒。章子素文在茲。王子其長發。王子禹載復陽。尤子展成。個彭子雲客。隴宋子旣庭實。顯與焉。而徐勿齋先生亦開門揖客。爲其子枋字昭法擇友。則葉子聖野。龔子雲子隴。繆子子長。慧遠。陸子取實。壽名。汪子若文。琬與焉。練川侯雍瞻。豫瞻。爲其子元演字幾道。元汴字記原。元潔字雲俱。元浚字研德。元靜字智含。世之所謂五侯者。擇師則黃子蘊生淳耀。取友則朱子明鎬。昭芑。陳子言夏瑚。陳子義扶俶。許子子位自俊。呂子石香雲孚。葛子瑞五雲芝。歸子元恭莊。周子止叔肇。暨吾郡徐子武靜致遠。顧子偉南開雍。余兄名甲春字端成輩。搜羅實學。不事浮名。爲吳下教子第一家法。侯子記原。又字拒園。爲余大姊婿。故得其詳。梁溪馬素修先生爲其子壬玉暨伊壻。施子召徵。延師則顧子修。

遠宸取友則吳子漢若濯而錢牧齋先生倡古學於琴川亦爲其子孫愛者擇友如蔣先生鳴玉以下其小阮湘靈燦孫子扶桑曙亦霞暘馬子丹卿廷桂等皆出其門三吳子弟各自一宗不敢齒及復社二字者數年然原原本本無一非復社之子弟也無一非婁東之及門與其門人小子也已卯之夏維揚許力臣之尊人舉大會於秦淮盡閩越楚豫之上舍及東吳名宿敍弟昆投綯紆而推介生勒卣二周先生與徐開公先生執牛耳西銘聞之竊慶吾道之不孤及榜發金沙得雋西銘爲之狂喜而以勒卣之不得入轂聞公之不得入闈爲一科欠事蓋是時許氏以千金束脯延勒卣先生訓其子承宣承家陰爲通於主以誤作語氣致棄不錄開公援北雍例欲咨回南使者從水道不達致阻鄉薦西銘聞之竊歎貧士遭逢天意似不可強又慮開公先生艱於家食乃議以選政歸開公而秉文一選出焉蓋吳下選手久虛唯艾千子有艾選溧陽陳百史先生名夏有五十大家之刻他房行社稿試牘則統於秉文開公先生之教至是大昌皆婁東爲之主持而推轂之也是時烏程去位楊薛和繼秉國鈞窺見主上崇儒扶正深眷婁東無吹求西銘之意門下或有私附楊薛以圖顯榮者以故西銘得以逍遙林下批讀經史爲千秋事業而中夜不安唯恐朝端尙以黨魁目之也計非起復宜興終成孤立之勢乃與錢牧齋項水心徐勿齋馬素修諸先生謀於虎邱之石佛寺謀定遣幹僕王成貽七札入選君吳來之先生昌時邸中吳先生者一時手操朝柄呼吸通帝座之人也而輦轂番子密布內外線索難通王成以七札熟讀一字一割難收絮中至吳帳爲裘衣袂法得達羣要此得之王成口最詳確是辛巳二月間事於是宜興以四月起而西銘卽

以是月暴病云殂。聞其信而不及見其事。首其事而不能圖其終。是時余年甫十三。東床之腹未坦。西州之淚已枯。憂社局之將衰。歎孤兒之無倚。有心結納。思續前人。遂與夏子存古。王子后張輩。於少年場中。留意人物。以社事爲己任。由今思之。灼灼如眼前。又昏昏如隔世。如夢中矣。復社自己巳至辛巳。十三年中。凡三大會。至西銘之變。海內會葬者萬人。壬午之春。又大集於虎阜。維揚鄧超宗先生元勳。吾松李舒章先生雲。爲之主盟。桐城方密之先生以智。伊弟其義。字直之。孫振公先生中麟。合肥張孝升先生鼎華。溧陽陳百史先生名夏。宋其武先生之繩。江右曾庭開先生傳燈。武林登樓諸子如嚴子岸先生灝。嚴子問先生津。嚴子餐先生沆。吳錦雯先生百朋。陸麗京先生圻。陸鯤庭先生培。陳元倩先生朱明。吳岱觀先生山濤。禹穴張登子先生陞。及錦雯之徒。丁子澎。飛濤。海鹽范文白先生驥。查伊璜先生繼佐。彭仲謀先生孫貽嘉。興陳子木先生恂。徐亦于先生彬。臣。曹秋岳先生溶。秦中韓聖秋先生詩。楚中杜于皇先生濬。白下郭臥侯先生亮。余濟心先生懷。鄧孝威先生漢儀。葉天木先生舟。白孟調先生夢鼎。白仲調先生夢龍。武進唐采臣先生德亮。咸化人先生藩。董玉虬先生文驥。維揚冒辟疆先生襄。吳門黃心甫先生□。□暨前所稱諸先生之子弟。雲間之後起。皆與焉。其他各省名流。余不能悉得之。長兄端成及外父無近公所傳。稍稍憶及。錄之。嗣後復社之大會。無復再舉矣。復社之大局。雖少衰。而吾松幾社之文。則日以振。自辛未先君子舉進士後。次有壬申文選之刻。王默公先生爲臥子師。才學爲松人所稱。與先君子有雁行誼。特以舉業虛雜。素履恢奇。不與六子之會。而古文詞居然作者。仿昭明文選體。與宋子建先生存標。

刻成此選。先君子爲之弁言。海內爭傳。古學復興矣。六子之刻。每人六十首。凡三百六十首。各成一家。開史漢風氣。不趨時畔者。舒章、子建、偉南、默公諸先生與陸子元先生慶曾、徐聖期先生鳳彩、盛鄰、汝先生翼進、何慙人先生剛、郁子衡先生汝持、任剗、劉參評。而未得同列。隨於壬申古文之外。另刻幾社會義。初集擴至百人。宋幘文先生徵輿、原名元身、與張子美先生安茂並在青年。出爲領袖。而六子之昆弟姻婭及門之子弟。競起而上文壇矣。聞公幼弟武靜先生、臥子內弟張子服先生寬、子退先生密、余叔同思公諱騏徵、懷西公諱駿徵、暨長兄端成、偕郡中才舉並茂之子弟。如錢內史先生毅、卽子璧、王大來先生溥、卽改字勝時名濤者。以及徐惠朗先生桓鑒、翁子先生起鶚、李公俊先生大根、公寧先生同根、陳子威先生爾振、唐服西先生醇、宋人寢先生卓、張處中先生宮、蔡服萬先生謙、沈子凡先生迴、曹魯元先生嘉、并華范友、邢子萬、徐元宣。凡二十餘人。每月課藝。聞公先生爲之批評焉。又有優等名家。如談公毅先生璘、唐玉汝先生爾鉉、歐冶先生溶、李原煥先生時楫、湯公瑾先生涵、錢荀一先生起龍、章宗季先生本練、王伊人先生廣心、陸文饒先生慶裕、王玠石先生光承、名世先生烈、陸集生先生慶臻、趙人孩先生侗、如陸孟聞先生慶紹、何我仰先生德著、余師陸亮中先生彰吉、陸椒頌先生慶衍、羣相師友。每月傳題。亦以聞公爲宗師。又有世家子弟如李素心先生懷、朱早服先生積、宋又韓先生與琦、曹子顧先生爾堪、張子固先生安苞、單質生先生恂、楊扶曦先生枝起、包長明先生爾庚、李竹西先生長苞、李方思先生延渠、傅服生先生虔、余次姊婿彥深姚子世曙、折節讀書。皈依社會。初集人材。此其表著者也。癸酉先君子捐

館同社失一宗盟。甲戌乙亥陳夏下第，專事古文詞文會，各自爲伍，集於關公先生案前，聽其月旦。至丙子刻二集，戊寅刻三集，己卯刻四集，人材輩出，非游於周、徐、陳、夏之門不得與也。蓋此數十人出婁東之門者居其七，四先生所得士必引之，就正於婁東，其欣賞爲樂事。至庚辰辛巳間刻五集，猶是關公先生主之，而求社景風兩路分馳，似有不能歸一之勢。然社刻總歸於一部內，幾社朝夕課藝者，惟余長兄輩十餘人另爲一集。關公先生所云正統是也。壬午關公上北雍，以六集之刻委於子服操之，於是談公、張子固、唐歐治兄弟、錢荀一有求社會義之刻，以王玠石、名世二公評選之。李原煥、趙人孩、張子美、湯公瑾有幾社景風初集之刻，仍託關公名評選。幾社數子之文悉登於景風，景風之文會亦分單傳此數人者。求社則自收新人，不延數子，亦不刻數子之文。數子亦狎景風而畏求社，蓋因求社之人專力勤學，精舉業，試必高等，而景風之人多涉獵於詩酒譚游閒也。以故壬午榜發，得雋者皆求社之人。景風無不在孫山外者。幸而關公先生雋於北榜，幾社稍有生色，然駸駸乎有求社與幾社並立之勢矣。壬午之冬周宿來先生茂源與陶子冰條惲蔣子駁閔雲階蔡子山銘峴吳子日千駟計子子山安後改名南陽集西郊諸子爲一會有雅似堂之刻，此景風之分枝也。彭燕又先生率其徒顧子震雉鏞即改名大甲字見山者舉贈言社亦有初集之刻，似乎求社之分枝，而實幾社之別派。震雉欲登東海之堂而不得歸於燕又集二十餘人爲一會與幾社諸子之文會相等，其中人材實有可觀，如王子伊人即農山先生章子武謀麗高沈子邵六朝棟盧子文子元昌後名駱前何子婉珠竹宋子武賓演後名泳唐子少伯同保陸子射

石廣皆其選也。何我抑率其徒有昭能社之刻。盛鄒汝先生率其徒爲野服樓小題之刻。王玠石先生率其徒韓子友一范、閔子山、紆、峻、有小題東華集之刻。癸未之春，余與夏子存古完淳有西南得朋之會，爲幾社諸公後起之局。諸社文會，悉來敦請，皆謝絕不與。至閻公先生下第歸，命我等數童子應赴求社之招。一爲求社諸公，專力勤學，精工舉業，宜親之以爲模楷。一爲求社局面，似有分門，以子弟從之，則渾化無異同之迹也。此言曾明告景風，雅似贈言東華諸公，不獨余數人知之也。得朋諸子，皆出自野服，因盛先生搜羅過寬，有太邱之誼，故從宿來言。另立一幟，如盛子子身建威，徐子世威，度遠，金子漢臣，震龍，今名葵，秦子子來，卽孝力宜兆，盛子子鐔，揚化，顧子子韶，九成，家兄子曠，同春，卽南池，暨余與后張存古也。如許子在公昌國，許子孝修，續曾，李子南，明天燦，章子錫遠，世奔，張子□□世揚，陸子佐臣，亮輔，陸子代之亮工，姚子可補，仲今，施子及甫，維翰，卽硯山，諡清惠，沈子貞蕤，荃，卽繹堂，諡文恪，皆求社子弟。親余數人，以故求社諸前輩與余輩更善繼述。諸公則出人與俱，奉爲師表者也。同社排擊璫孽凡二事：一在戊寅之歲，方郡伯與學使者俱係同譜，謬允鄉賢，致合郡有椿堂之舉。一在甲申三月，聞變哭臨，孽欲隨班行禮，同社草檄攻之，孽憤，募青手數十自衛，似有侮辱諸生意。徐武靜與張退谷各率東陽義烏之力士，戴宿高等，亦執白棒行晝日中，見青手卽擊逐，孽以是不敢臨，士氣稍振，而怨毒皆歸會稽先生矣。先是甲申正月，余輩數人稱江左少年，上書鄉紳四十家，乞舉義勤王，爲衆紳所嫉。又於哭臨時，草檄討從叛者，一時投匭之親友，皆側目此數童子，而主其說者實登春與夏子二人，且謂授指於會稽，遂羣思甘心。

焉。會南中擁立。考功居憂不在列。羣小以私戴潞藩爲題。作匿名文討會稽。會稽置不問。而同社之以四六擅長者相攻訐。赴郡廟指天誓日者相比比。究即出於社中權貴之子弟。璫擊門下。未嘗無客。以文筆稱雄者十不得一。反借我門內之戈矛爲齒冷。悲夫。此同社之不幸。亦社局將衰之兆也。夫南中建國。貴陽馬士英爲婁東好友。一時擁戴竊柄。甚引重東林。如起用錢徐陳夏諸君子。褒旌死難諸賢。如范公景文倪公元瑤。凌公義渠成公德馬公世奇吳門許仲玉先生重。皆復社之領袖也。復社中失節者。貴陽日加歎恨。且陰憐之。悉欲置未減。及福藩恣用私人。搜羅璫孽。而阮大鍼輩盡起而謀國是。外則附貴陽以招權納賄。內則爲黨人作翻局計。授意督學御史朱國昌。凡婁東門下。悉置三等。吾郡同社。聞而戰慄。時嵯仲先生在憂。臥子先生請告終養。無能爲同社解憂者。而社中文會選刻仍不輟。閻公亦自驚疑。故七集之刻。委於徐子麗沖允貞。夏子昇略維節。徐卽聖期先生之子。夏則元初先生之子也。詩義之選。則委之王子勝時。錢子子璧。張子處中三人。閻公謝事。以避黨魁之目。於是七集之選。仍風行考肆中。朱學使亦不以爲病。且極稱雲間多才。而留心排抑者。止在復社之子弟。以故吳門與試諸生。人人自危。乙酉四月。起用周之夔於廢籍。特命巡按蘇松。聞命語人。首以嚴按社局爲事。復社之門人子弟。無不慘慘畏懼。而吾郡同社亦有刻不自保之勢。若偉南先生挈其家口卜居東義。舒章先生守其父櫬。就官燕臺。詎意天奪善類。之變離白下之次日。王師渡江。破建業。宏光隻身出奔。羣公連裾俘獻。門戶之憂。從此烟消木脫。豈非不幸中之幸哉。乙酉丙戌丁亥三年之內。諸君子之各以其身爲故君死者。忠節凜然。皆復社幾

社之領袖也。侯豫瞻先生錡曾率其子元演、元潔、黃蘊生、淳耀先生率其弟金耀守練川死。史道鄰先生可法守淮上死。祁虎子先生彪佳守邦溝死。張玉簡先生國維守京口死。大司馬沈雲升先生猶龍、偕李存我先生待問、章次公先生簡、守松郡死。徐勿齋先生沂、楊維斗先生廷樞、於吳門破日。夏瓊公先生於吾松破日。周簡臣、周仲馭、於金沙破日。陸鯤廷先生於杭州破日。均以不受降投繯死。黃石齋先生道周起兵死。徽州陳元倩先生未臨起兵死。六和塔馮留仙先生元颺、郭仙先生元颺、起兵死。寧波陳大樽、張子服兩先生以吳勝兆案坐死。夏元初先生以匿大樽自縊明倫堂。侯公岐曾、顧公咸建、暨其姪大鴻一門、亦以匿大樽死。華公允誠死。梁溪左公懋第以講好不屈死。劉公公旦曙與夏子存古完淳以奉表唐藩死。楊伯祥先生廷麟、楊維節先生以任、均以舉義死。吳日升先生易建義旗於泖澱死。徐子世威死於黃蜚之兵變。施公召徵死粵東。呂子石香死太倉。吾松張公肯堂、朱公永祜、皆入海死於兵。一時諸君子慷慨就義、視死如歸、就復社幾社中追數之、已若干人。此外孤忠殉義、死而不傳者、不知凡幾。使非平生文章道義、互相切劘、安得大節盟心、不約而同若此哉。他如徐開公先生以舟爲家、不仕鄭氏。張公名振、張公煌言、擁兵入犯、屢屈於我師、皆終身蹈海者也。熊魚山先生開元、許霞城先生譽卿、倪伯屏先生長圩、方密之先生、以智張帶三先生若義、余母舅張冷石先生昂之、梁公先生翀之、以及林公恣、林公之藩、王公鎬、祁公豸、皆終身披緇者也。而侯子智含以家難付拂靈隱、年止二十、死於禪關、是余之所最痛心者。豫章先生之似續、竟絕於此。更若陸麗京之賣藥、蔣馭閔之黃冠、歸元恭、張洮侯之酒狂、黃心甫、朱

雲子之詩癡王玠石名世兄弟之躬耕海上侯秬園研德伯仲之混跡園中葛端五陳言夏乾龍字天御陳濟生字皇士魏允構字交讓錢樞字彥林錢肅潤字礎日張子退吳日千計子山葉聖野金道賓穆苑先張來宗唐服西王周臣彭仲謀林小子白孟調范樹鏞徐昭法馬端午許九日沈東生許在公陳子威余師陸亮中余叔徠西先生皆終身高隱不戀功名言念諸君子於余或爲孀姪或爲交遊或爲前輩之典型或爲齊年之朋好由今思之貴賤異等死生異路而名節自持百身一致豈不難哉迨本朝定鼎雅化作人南國文人羣起而赴資輿之會乙酉丙戌社中諸君子連鑣登選相慶彈冠類皆明末孤貧失志之士如張公九微宋公微輿張公安茂繆公慧遠尹公明廷郭公亮薛公耳毛公重倬李公延槩周公茂源徐公鼎曾公五典方公元成顧公子咸季公振宜方公亨成顧公鏞曹公爾堪薛公眉葉公舟黃公永暨余外父張公王治是科皆捷南宮而社中舊人尙大半伏處至戊子科始盡出而應秋試余於是役識宋子旣庭實頤宋子右之德宜宋子瞻三德宏鄒子訐士祇謨黃子子京初董子文友以寧蔣子震青口口於秦淮河上訂言社事及榜發右之雋去而旣庭以領批單恩貢太學吾松之舉戊子榜者伊人及甫暨壬子印周日藻余姊夫姚子彥深皆社中人也與二宋相結于公車旅館又得浙中同盟如魏子子存學渠張子繡虎賁孫嚴子寬民臨兄弟陳子子更增新陸子遙集涵卞子弋雲景鴻何子蕤晉元英魏子卜臣允枚沈子亞斗璇與吾松四人交口稱子名於二宋間以爲天下社局非其人無可與辦者二宋遂屬意於余至己丑秋余與何涵齋棟有婚姻之訂喬寓婁葑間章子素文彭子雲客王子其長皆涵